

## Atariko Proba

Lehenengo azterketa da. 100 item ditu. Hizkuntzaren hainbat alderdi neurtzeko, sail hauetako itemak biltzen ditu nahas-mahas:

Entzutezko ulermena (grabazio bat)	15
Ahozko hizkuntzan oinarrituak	30
Lexikozko ariketak	10
Morfosintaxia (deklinabidea, aditzak, esaldiak...)	24
Euskara batuaren arauak jakitea	8
Hizkuntza idatziaren ulermena	8
Beste batzuk (datak, orduak, eragiketak...)	5

75 erantzun zuzen behar dira gainditzeko. Irakurgailu optikoz zuzentzen da.

## Azterketa idatzia

Hona ariketak, puntuazioak eta gutxienekoak:

Entzutezko ulermena (10 item)	5	2,5
Idazlana (Bi dossier aukeran; 300 hitz)	25	15
Ortografia	5	1
Esaldiak berridatzi (10 egitura)	5	bien artean
Lexikoa (testu batean, 10 hitz)	5	5
Irakurriaren ulermena (10 item)	10	5
Guztira/Gutxienez	50	29

Entzutezko ariketa ahozko azterketako kalifikazioari lotzen zaio. Ariketa guztietan atera behar da gutxieneko puntuazioa. Azken kalifikazioa GAI/EZ GAI izango da.

Aztertzaileek zuzendu eta kalifikatu jardunbide bati jarraituz egiten dute. Azterketa kopuru bat (gutxienez %20), zoriz aukeratua, bi bider zuzentzen da eta batez besteakoak ateratzen dira.

## Ahozko Proba

Bi ariketa egin behar dira:

- Gai baten ahozko azalpena.
- Bat-bateko elkarrizketa saioa.

Gaia (testua) prestatzeko 30 minutuko denbora dago, apunteak hartzeko edo gidoia egiteko. Azalpenaren ondoren bi azterketariren arteko elkarrizketa-saioa egiten da, hamar bat minututan. Epaimahaia bi aztertzailek osatzen dute.

Proba hau neurtzeko ALTEk C<sub>1</sub> mailarako finkatuta dauzkan irizpideak erabiltzen dira:

- a) jarria
- b) egokitasuna
- c) aberastasuna
- d) zuzentasuna

Ahozko Probak 20 puntuko balioa du eta gutxienez 10 lortu behar dira.

Azterketariak bere ahozko proba graba dezake. Informazio gehiago Ordezkaritzetan.



- Azterketa materialen liburuak, erantzun eta grabazioekin batera, Hezkuntza Sailak argitaratzen ditu bi urterik behin.
- EGAREN webgunea: <http://www.hezkuntza.ejgv.euskadi.net>

## Matrikula epeak

- Lehen deialdia: urtarrilaren 21etik otsailaren 1era.
- Bigarren deialdia: ekainaren 30etik uztailaren 11ra.
- Prentsan iragartzen dira eta webgunean ere badaude.

## Matrikula egiteko

- Jaso matrikula orriak.
- Irakurri arretaz oharrak eta argibideak.
- Eraman matrikula dokumentazioa (baita balio-urritasunen bat baduzu, horren idazkia) dagokion ordezkartzara.
- Zigilatu ondoren, jaso matrikula egin izanaren papera.

## Azterketetarako oharrak

- Azterketara NA, gidatzeko baimena, pasaportea edo egoitza baimena eramane behar dira. Dokumentaziorik gabe ezin da azterketa egin. Fotokopiek ez dute balio.
- Garaiz iritsi behar da. Azterketa hasita badago, ezin da inor gelara sartu.
- Atariko Probarako lapitza eta borragoma behar dira. Beste azterketetan, boligrafoa.

## Gehiago jakiteko

- Euskara batua. Euskaltzaindiak argitaratzen dituen erabakiak biltzen dituzten liburuak.
- EGAREN baliokideak. Galdetu ordezkartzetan.
- EGAREKIKO arauzko erabakiak. Euskal Herriko Agintaritzaren Aldizkarian (EHAA) argitaratzen dira. Hona batzuk

EHAA (data)	Gaia
82/11/06	Oinarrizko eraketa
86/03/10	Nafarroako EGA homologazioa
90/10/02	Madrilgo HEOREN agiriaren aitormena
94/02/01	Azterketa eredu egokitzen duena: Atariko Proba
98/07/20	Tasak eta prezio publikoak
98/10/23	EGAREN eta irakaspostuetarako Hizkuntz Eskakizunen baliokidetzak finkatu, eguneratu eta berresten dituen
08/01/10	EGAKO 2008ko programa eta azterketa eredu